

Durante e exitoso rueda di Prensa di SAC/ASOMA na Corsow..

Actividadnan di Aruba su Carnaval 45 a hasi un impacto grandi..



Coastal Aruba Club pa nan grupo di carnaval ya caba tin 1.8 miyon florin inverti.

E rueda di prensa aki tabatin un duracion di casi dos hora, den cual miembronan di prensa a lansa un batayon di pregunta, cualnan tur a ser bon contesta. Un di e preguntanan cu mas a hala atencion tabata esun cu a ser lansa na direccion di Elgin Juddan, cu si un tumbero Curasoleño tambe por participa den e festival di Tumba aki na Aruba, riba cual Elgin Juddan a duna di conoce cu esaki no ta un problema y cu un tumbero di Corsow por participa.

Despues di e rueda di prensa aki, por a scucha na diferente radio emisoranan durante nan programa di carnaval di anochi, con bon nan tabata comenta di e rueda di prensa aki y hasta tabata felicita Aruba pa su tremendo actividadnan carnavalesco. Pa su mayan den tur e matutino y vespertinonan por a mira reportahenan amplio di e rueda di prensa. Tambe na Tele Curacao, Hermanito Narvaez a realiza un tremendo programa dedica na Aruba su Carnaval 45.

Por bisa cu Aruba su actividadnan carnavalesco a haya un tremendo promocion na Corsow. Awor ta di spera cu e resultado aki por trese boshi di Curasoleñonan pa bin disfruta di Aruba su diferente actividadnan carnavalesco..

**** Diamars ultimo cu gran cooperacion di Hotel Porto Paseo y AIR ALM, DEN AMBIENTE tabatin e privilegio di por a organiza un rueda di prensa den Festival Center na Corsow, na unda Aruba a haya e oportunidad pa promove su actividadnan carnavalesco 45. Esaki a ser realiza cu gran contribucion di Asosiation di Musico y Artista Corsow.**

Pa SAC tabata presente Sra. Tecla Kelly, mientras ASOMA a ser representa pa su presidente Sr. Elgin Juddan. Tambe Sr. Michael Profit di Caribbean Town Beach Resort y Sr. Anthony Miyale di e prestigioso Havana Beach Club a asisti e rueda di prensa aki, na unda nan a participa nan package tour comina cu AIR ALM specialmente pa esnan cu ta interesa pa bin Aruba pa disfruta di e festival di Calypso & Roadmarch.

E rueda di prensa aki a ser atende pa tur e medionan di mas importante di Corsow, cual a yena e delegacion di Aruba cu hopi orguyo y satisfaccion.

Na principio a enfoca hopi riba e festival di Calypso & Roadmarch, pero na momento cu e miembronan di prensa a bin tende di e otro actividadnan manera entre otro: eleccion di Reina grandi cu su shownan espectacular den cual tin sumanan respecta envolvi, e maraviyoso Lighting Parade di Tivoli Club, Coastal Aruba Club cu mas di

1.500 participante y cu tambe nan tin un auto envolvi como premio durante nan eleccion

di Reina y loke cu mas a causa un impacto tabata na momento cu a participa cu

Betty Doran si lo bay pone Ramphis Tromp clasifica pa e final di Festival di Tumba

**** Durante e rueda di prensa na hermana isla Corsow, DEN AMBIENTE a combersa cu e genio compositor Betty Doran, kende ta tata di e conocido Gibi Doran di Gio Fuertisimo.**

E aña aki Betty Doran ta bay den guerra cu Ramphis Tromp como compositor pa su participacion den e festival di Tumba na Corsow. For di aña pasa caba Betty Doran a expresa na DEN AMBIENTE cu e tin un deseo pa bay den guerra cu Ramphis Tromp como su compositor pa e festival.

Su deseo a ser cumpli e aña aki y el a declara na DEN AMBIENTE cu E si tin e material pa pone Ramphis Tromp clasifica entre e 25 nan pa e gran final di Festival di Tumba. Betty a sigui amplia, cu e ta mira hopi ingredientenan importante den Ramphis Tromp su actuacion pa e por clasifica. Un di e ingredientenan cu pa su persona ta hopi importante, ta cu Ramphis Tromp tin hopi brio y cu Ramphis ta dispone di un tremendo stage performance

Mas aleu Betty a duna di



**** Durante e rueda di prensa Betty Doran a bin specialmente pa bisa Elgin Juddan: "Porfabor no STROBA mi alumno, djis mira su cambio durante e festival di Tumba"..**

conoce cu loke Ramphis Tromp falta, ta un bon maestro y den su persona Ramphis por tin tur e siguransa. Betty cu un cara hopi serio a enfatisa, cu e lo bay para firme banda di Ramphis Tromp durante ensayo y lo no duna

Ramphis un chens pa hala rosea te ora cu Ramphis interpreta su tumba manera ta su deseo. For di awor caba e gran respetable compositor aki ta manda bisa henter pueblo di Aruba, pa nan ta

bon prepara ora nan ricibi e grato noticia cu Ramphis Tromp a clasifica pa e gran final di e festival di Tumba, pasobra den su tumba e tin un misil mas potencial cu esun cu Merca a manda pa Irak..